

կաթոլիկների թեմական կաղմակերպութեան գործը որոշ կերպարանք ստացաւ, թեմական ատեանը և թեմի կառավարիչը պէտք է բնակութիւն ունենան Թիֆլիզում. գ. Վեննայի Մխիթարեան միաբանութեան անցեալ տարի ընտրուած արքայ Հ. Գրիգորիս Գովրիկեանը այս տարի հաստատուելով իւր պաշտօնում, յունիսի 12-ին ն. տ. մեծ հանգիսով օծուել է Վեննայի առաքելական նուիրակից եպիսկոպոս Մծբինի արքեպիսկոպոս տիտղոսով: Օծման հանգէսը կատարուել է լատին ծէսով:

Որքան փոյթ է տարուել Թերզեանի կաթողիկոսացումն հայ եկեղեցու արարողութեամբ կատարել, այնքան անտարբերութիւն է եղել Վեննայի Մխիթարեան արքայի օծման դէպքում, որ հայ կաթոլիկների շրջանում անհկատ չէ անցել: Զգիտենք ինչին վերագրել այս հանգամանքը, հարկի անհրաժեշտութեանը, թէ դէպի ազգային եկեղեցու արարողութիւնները անտարբերութեան: Վեննայի արքան կարող էր իւր ձեռնադրութիւնն ու օծումն ստանալ Կ. Պոլսոյ հայ-կաթոլիկ պատրիարք կաթողիկոսից:

ՌՌԻՍ ՊՐԱՒՈՍ. ԵԿԵՂԵՑԻ

Առաջնորդների ուժիկի հաւասարեւորեան նման

Պետական դումայում հարց էր զարթել թեմական առաջնորդների ուժիկները հաւասարեցնել ԿԱՅԿԱՅԵ-ը (№220) առնելով լրագրներից հաղորդում է, որ Սրբ. Սինոդի կաղմած յանձնաժողովը, որի նախագահն է Կիեվի մետրոպոլիտ Ֆլավիանը, եկել է այն եզրակացութեան, որ թեմական իւրաքանչիւր առաջնորդ ստանայ տարեկան 6000 ռուբլուց ոչ պակաս: Առաջնորդներին այդ քանակութեամբ ուժիկ տալու համար յանձնաժողովի եզրակացութեամբ պէտք կը լինի, դեռ մինչև 33,500 ռուբլի, որը կարելի է գանձել 1, այն թեմերի եպիսկոպոսարաններից, որոնց եկամուտները աւելի են, 2, մայրավանքներից (լաւրա) և 3 վանքներից: Յանձնաժողովի նախագահ Ֆլավիան մետրոպոլիտը յատնեց, որ Կիեվո—Պեչերեան մայրավանքի արդիւնքի

երրորդ մասը. տարեկան 40,000 ռուբլուց աւելի է, և որ այժմ ստանում է միարոպոլիտը, պէտք է բաւականանայ ⁴⁾ Երդ մասով, բայց այն պամանով, որ մնացած գումարը՝ գործադրուի մայրավանքի բազմաթիւ (մօտ 1,300 հոգի) միաբանների ռոճիկը աւելացնելու համար: Սրբ. Սինօգր, որի բարեհայեցողութեանն է առաջարկուած յանձնաժողովի աշխատանքը, նախքան յանձնաժողովի եզրակացութիւնների մասին վճիռ դնելը, բարւոք գտաւ թեմական առաջնորդների կարծիքը իմանալ: Այդ իսկ նպատակով այժմ գրւում է առաջնորդներին, որ նրանք երեք ամսուայ ընթացքում հասցնեն Սինօգին իրանց կարծիքները:

Կոնսիստորիաների գործավարութեան բարեփոխումն

Կոնսիստորիաների գործավարութեան բարեփոխանմ համար Церк. Вѣст.—ից քաղում ենք հետեւեալը: Սրբ. Սինօգր քննելով օրեր-պրօկուրօրի առաջարկութիւնը կոնսիստորեաների գործավարութիւնը դիւրացնելու համար և ըստ ամենայնի համակերպուելով այդ առաջարկութեանը, տարւոյս յուլիսի 6—9 որոշմամբ սահմանեց նպատակաւոր մար համարել հոգևոր կոնսիստորիաների կանոնադրութեան հետեւեալ բացատրութիւնները.

1. Ծխական հովուական գործավարութեան թղթերի, որոնց տնօրէնութիւնը ենթարկւում է անմիջապէս թեմական առաջնորդներին, կատարումը չպէտք է յանձնուի կոնսիստորիային, այլ առաջնորդի դիւանին: Եթէ այդպիսի գործերի վճիռները պէտք ունեն լրացուցիչ տեղեկութիւնների կամ յայտնի պահանջների կատարման, այն ժամանակ առաջնորդները գործին վերաբերեալ թղթերը ուղարկում են կոնսիստորիաներին մակագրելով թղթերի վերայ հարկաւոր եզրակացութիւնը:

2. Կոնսիստորիան իւր ամբողջ պատասխանատւութեամբ առանց կանխապէս հաստատութեան առաջարկելու, ի կատար է ածում անկախօրէն հետեւեալ որոշումները ա. այն թղթերի մասին, որոնց կատարումն ճշգիւ սահմանուած է օրէնքներով և կանոններով. բ. առաջնորդների

այն եղրակացութիւնների մասին, որոնք ըստ էութեան գործի քննութիւն էլ չեն պահանջում և վերջնական նշանակութիւն ունեն. դ. մետրիքական վկայականներ տալու և վկայականները վաւերացնելու խնդիրների մասին, երբ կասկած չկայ. դ. ուրիշին յանձնուելու գումարների ստանալու և ուղարկելու մասին. ե. գործավարութեան ընթացքում գործին վերաբերեալ ստացուած թղթերի մասին, որոնք չեն փոխում գործի էութիւնը: 2. կէտում սահմանուած կանոնից բացառութիւն են կազմում այն հարցերի վերաբերութեամբ թղթերը, որոնք վերաբերում են աղանդաւորութեան, հնածէսութեան և քարոզչութեան: Այս գործերի վերաբերութեամբ այս կամ այն որոշումներն ի կատար են ածւում միայն առաջնորդի նախապէս հաստատութեան առաջարկելուց յետոյ:

3. Այն կոնսիստորիաներում, ուր գործերի շատութիւնը արգելք է լինում գործավարութեան արագ ընթացքին, առաջնորդները իրանց բարեհայեցողութեամբ թոյլ են տալիս կոնսիստորիաների տեղնադպիրներին պատշաճ կարգադրութիւնն անել այն թղթերի վերաբերութեամբ, որոնց պէտք է ունենալ միայն ի տեղեկութիւն, կամ ներկայացուած են առանց մարկանների, առանց վկայականների և չն. յետ դարձնել ըստ պատկանելոյն այն թղթերը, որոնք սխալմամբ կոնսիստորիա են ուղարկուած, և ի կատար ածել այն թղթերը, որոնք վերստուգութիւնների և ուրիշ հաստատութիւնների հետ հաղորդակցութեան պէտք ունեն:

4. Այն կոնսիստորիաներում, որոնք ծանրաբեռնուած են շատ գործերով, առաջնորդները կարող են սեղանների կառավարիչներին ազատել զեկուցումների սեղանային ցուցակը անմիջապէս վարելուց, այս պարտքը դնելով դիւանատան հմուտ աստիճանաւորների և ծառայողների վերայ:

5. Կոնսիստորիաները օրագիր կազմելիս՝ պէտք է խուսափեն աւելորդաբանութիւնից, բոլորովին աւելորդաբար ամբողջ գործը լրիւ արտագրելուց:

6. Կոնսիստորիաների անդամների վերահսկողութիւնը

ոեղանների վերայ պէտք է լինի բացառապէս այն, որ կոնսիստորիաների օրոշումներն, որ պատրաստում են ոեղանի կառավարիչները, ճշգրտութեամբ համապատասխան լինեն ատեանի տուած համառօտ եզրակացութեանը:

7. Կոնսիստորիաների ատենադպիրների իրաւունքն է շտապով սահմանուած աստիճանաւորների թեկնածուներ ընտրելը, դիւանատան աստիճանաւորներ ու ծառայողներ և վարձկան գրագիրներ ընտրելը. նոյնպէս ատենադպրի իրաւունքն է սրոշել ամսական ռոճկի, դրամական պարգևների, և դիւանական աստիճանաւորների, վարձկան գրագիրների նպաստների չափը:

8. Հոգեւոր կոնսիստորեաների ատենադպիրները պարտաւոր են խուսափել ատեանի հետ հակաճառութիւնից, որ կը խանգարի գործի ընթացքը:

1911 թ. Նախահաշիւ

(Церк. Вѣст. № 36, 37.)

Պետական Գումայի դիւանին յանձնուած է Սրբազնագոյն Սինոդին ենթարկուող հաստատութիւնների 1911 թուի մուտքի և ելքի նախահաշիւը: Անցեալ 1910 թուի պէս մուտքի հաշիւն է 82,549 ռ. (?) և ելքի նախահաշիւը՝ 37,566,984 ռ. (անցեալ տարուանից 3,581,502 ռ. աւելի): Արտասահմանեան վանքերի Բեստարաբիայում ունեցած կալուածների մուտքն ու ծախքը 1911 թուին կը հաւասարուի 669,088 ռ.:

— Սրբազնագոյն Սինոդի օրեր-պիտոյութիւնը մուծել է Պետական Գումա հետեւեալ օրինագծերը. 1) եկեղ. ծխական դպրոցների ուսուցիչների և ուսուցչուհիների համար կենսաթոշակի զանձարկղ հաստատել. 2) 1911 թուին 28000 ռ. բաց թողնել Մոսկովայի Ս Փրկչի տաճարի աւանդատուներ նորագելու համար, 3) 1911 թուին շարունակել Ս. Պետերբուրգի Ս. Իսահակի տաճարի պահպանութեան համար լրացուցիչ նպաստի տարեկան 8810 ռուբլու տուչութիւնը, 4) 1911 թուից սկսած 60,000 ռուբլի բաց թողնել քաղաքների և գիւղերի ծխական հոգեւորականու-

Թեան թոշակը աւելացնելու համար, 5) 1911 թուից սկսած 40,376 ռ. բաց թողնել որպէս նպատակ Ս. Պետերբուրգի Քրիստոսի Յարութեան տաճարի պահպանութեան համար, 6) Հոգևոր դպրոցական հաստատութիւնների պաշտօնեաների ռոճիկը աւելացնելու համար գանձարանից բաց թողնել տարեկան 232,000 ռ. այլև 1911 թուի դպրոցական հաստատութիւնների երկրորդ կիսամեակի համար բաց թողնել 116,000 ռ., 7) պետ. գանձարանից 500,000 ռ. բաց թողնել եկեղեցական դպրոցների շինութեան համար: 8) պետական գանձարանից բաց թողնել 1,000,005 ռ. եկեղ. ծխական դպրոցների ուսուցիչների ռոճիկը 1911 թուին մեծացնելու համար, մինչև որ 1908 թ. մայիսի 3-ի օրէնքը կիրառութեան մէջ կը մտնի. իսկ 1912 թուից սկսեալ տարեկան 1,550,000 ռ.: 9) պրաւօսլաւ տաճարների կառուցման վարկը 1911 թուականից սկսած տարեկան 50,000-ից 100,000 ռ. դարձնել:

Նոր փոխանորդութիւն.

— Սրբ. Սինօդը մտադիր է Վլադիկավկազի թեմի մէջ մի փոխանորդութիւն հաստատել քարոզչական նպատակով. նոր փոխանորդի բնակավայր Պետտիգորսկը սահմանելով:

Ծխական հոգևորականութեան ապահովութիւն

Սրբազնապետ Սինօդը այժմ զբաղուած է ծխական հոգևորականութիւնը ապահովելու խնդրով: Ծխ. հոգևորականութիւնը կազմուած պէտք է լինի երեք անձից, պէտք է ստանայ տարեկան—քահանան՝ 900 ռ. սարկաւազը՝ 600 ռ. և սաղմոսասացը՝ (տիրացու) 500—400 ռ. Այս չափը բաւարար պէտք է համարել միայն գիւղերի համար: Եթէ ընդունենք 40—հազար գիւղական ծուխ, և իւրաքանչիւրի հոգևորական գասի համար 2000 ռ. վարձատրութեան գումար՝—կըտեսնենք, որ գիւղական հոգևորականութիւնը ապահովելու համար պէտք կը լինի տարեկան 80,000 ռ.: 1911 թ. նախահաշուի համեմատ պետական գանձարանից պէտք է պահանջուի 14 միլիոն ռ.: Հոգևոր վարչութեան և հաստատութիւնների ծախքը լրաց-

ներու համար գեռ պէտք կը լինի գտնել 65 միլլ. Ռուս-տեղից գտնել այդ ահագին գումարը, երբ հոգևոր վարչութեան եկամուտի գումարը 34 միլլիոն է. լրագիրը գրտնում է, որ այդ բացը պետական գանձարանից ծածկելը անհնարին է համարուում. հնարաւոր է ծխական կանոնաւոր տուրք հաստատելը, որը պետութիւնը կարող է սահմանել հաստատուն ծախերի վերայ, և այդ ծանրութիւն պէտք է չլինի նրա համար, քանի որ ծխականներն իւրաքանչիւր հոգևոր կարիքների (մկրտութիւն, թաղում, պսակ և այլն) համար առանձին առանձին աւելի են վճարում:

Ուրեմն մնում է հոգևորականութիւնը ապահովելու համար նոր ձև մշակել, որ բաւական բարդ գործ է: Տուրքի գանձումն պարտաւորական պահանջ դարձնել, թէ ծխականների համաձայնութիւնն ի նկատի ունենալ: Տուրք պահանջելը ինչպէս և ամեն դրամական գործ տաղտկալի է, և այդ բանը ոչ պետութիւնը և ոչ էլ զեմստւոյները յօժարութեամբ յանձն կառնեն: Լաւ կը լինի այդ յանձնել ծխական կազմակերպութեան. այն ժամանակ ոչ աստիճանաւորներ և ոչ էլ առանձին ձեականութիւններ պէտք կը լինին: Բայց առաջ պէտք է այդ կազմակերպութիւնը հաստատել:

Լրագիրը հոգևոր տուրքի գանձումն թողնելով ծխի և նրա կազմակերպութեանը, և ընդունելով, որ ծխականների համաձայնութեամբ և ըստ կարողութեան պէտք է որոշուի ծխականների վերայ տուրքի քանակութեան չափը, վճռապէս չի որոշում թէ, ինչպէս և ումից, որ չափով պէտք է գանձուի:

— Միջնակարգ դպրոցների դասաւանդութիւնը. Սինոդը հաղորդել է պատշաճ վարչութիւններին կրօնօւսոյցների ժողովի մշակած և Սինոդի վաւերացրած կրօնի դասաւանդութեան ծրագիրը միջնակարգ ուսումնարաններում: Նոր ծրագրի համեմատ սահմանուած է կրօնի մի ընդհանուր պարտաւորական դասընթացք միջնակարգ բոլոր ուսումնարանների համար անխտիր, որ վարչութեան էլ պատկանէին:

Սշակերտների կրօնական—բարոյական դաստիարա-

կութեան նպատակով կրօնուսոյցը բացի կրօնի դասաւանդութիւնից պէտք է օգտուի բոլոր մատչելի միջոցներով թէ դասարանում և թէ դուրսը: Պրաւօսլաւ աշակերտները տօն օրերին պարտաւորաբար պէտք է յաճախեն եկեղեցի:

— Հաւաւային նահանգների ծխ. եկեղ. դպրոցների համար ռուս լեզուի դասաղիւրհ. Սինօդի ուսումնարանական խորհրդը յանձնել է Կիեւի թեմական ուսումնարանական խորհրդին. Ռուսաստանի հարաւային նահանգների եկեղ. ծխ. դպրոցների համար ռուսերէն ընթերցանութեան գրքեր պատրաստելու հոգս տանել: Մինչև հիմա այդ դպրոցներում կիրառութեան մէջ էին հիւսիսային նահանգների կեանքին յարմարեցրած դասագրքեր, և դրա համար էլ շատ հասկանալի չէին հարաւի բնակիչների համար:

— Կազանի փարոզչական ժողովի որոշումների նախնական քննութիւն. Կազանի արքեպիսկոպոս Նիկանօրը ներկայացրել էր Սրբ. Սինօդին Կազանի միասիօներական ժողովի որոշումները: Սինօդը այս որոշումները յանձնել է Սինօդի Միասիօներական առանձին խորհրդին նախնական քննութեան համար: Խորհուրդը պէտք է բոլոր որոշումների վերաբերութեամբ ներկայացնի իւր եզրակացութիւնը: Խորհրդի ղեղավունքներին, բացի Սինօդի վարչութիւնից պէտք է մասնակցեն ներքին գործերի նախարարութիւնից էլ ներկայացուցիչներ:

— Պրաւօսլաւ տօների կրհասումն. Պրաւօսլաւ տօների կրճատման օրինագիծը, որ կազմել էին անցեալ տարի Պետական խորհրդի մի քանի անդամները, և ընթացք չէր ստացել, այդ օրէնսդիր հաստատութեան մէջ, այս աշնանը պէտք է մուծուի Պետական Դումա, և խնդիրը պէտք է քննուի վաճառականական արդիւնաբերական տեսակէտից: Տօների թիւը չլսուած քանակութեան է հասել, այն է, տարուայ մէջ 91 օր, որ մեծ հարուած է տալիս երկրի տնտեսական շահերին:

ՅՈՅՆ ՕՐԹՈԴՈՔՍ ԵԿԵՂԵՑԻ

Յայն Օրթոդ. Եկեղեցիների միութիւնը Անգլիականի հետ:

Մշակում (№ 217) կարդում ենք.

„Голосъ Москвы“ լրագրի Կ. Պօլսի թղթակիցը գրում է. «Կ. Պօլսում մեծ սենսացիա գործեց անսպասելի կերպով տարածված լուրը այն մասին, որ տիեզերական պատերազմութեան շրջաններում ծագել և լուրջ կերպով քննուում է ուղղափառ եկեղեցին անգլիական եկեղեցու հետ միացնելու հարցը: Ասում են, որ այդ առիթով արդէն բանակցութիւններ են լինում տիեզերական պատերազմարանի և անգլիական եկեղեցու միջև. նորերո անգլիական դեսպանի երկարատև խօսակցութիւնը պատերազմի հետ կապում են այդ հարցի հետ:

«Կամենալով ստուգել այդ նշանաւոր տեղեկութիւնը, ես դիմեցի տիեզերական պատերազմութեան բարձրաստիճան հոգեւորականին, որից ստացայ հետեւեալ ցուցմունքները:

«—Այդ լուրը կատարելապէս ճիշդ է: Սակայն ի դուր են աշխատում կապել նրան պատերազմութեան ներկայ ծանր դրութեան հետ: Պատերազմութեանը վաղուց արդէն զբաղեցնում է ուղղափառ եկեղեցու միութեան հարցը անգլիական եկեղեցու հետ: Որքան լուրջ է այդ, երևում է նրանից, որ պատերազմութեան մէջ արդէն 12 տարի գործում է յատուկ յանձնաժողով, որ բաղկացած է մեր ամենալուսաւորութեամբ հոգեւորականներից: Բացի դրանից Լօնդօնում մեր կղերականներից մէկը՝ Նրօֆէյ Տէկնօպուլօ վարդապետը արդէն մի քանի տարի հրատարակում է այդ հարցին նուիրուած և միութիւն քարոզող մի ամսագիր «Եկեղեցիների միութիւն» անունով:

«—Սակայն ի՞նչու անգլիական եկեղեցին է ընտրուած այդպիսի միութեան համար:

«—Որովհետեւ ըստ օտարադաւան եկեղեցիներից նա տարբերում է ուղղափառներից դոգմատիական կողմից և այդ տարբերութիւնները ամենից պակաս էական են: Այդ հարցը, չեմ ծածկի, այս բօլէիս ևս, նրան մանրամասն քննելուց յետոյ յանձնաժողովում, դեռ շատ դժուար է: Սակայն այդ մօքի իրագործումը վերոյիշեալ պատճառով այնուամենայնիւ աւելի հեշտ է, քան թէ լինէր, օրինակ, ուղղափառ եկեղեցու հետ: Մանաւանդ որ անգլիական կրթութեամբ դասը և հոգեւորականութիւնը Կէնսթըբլի արքեպիսկոպոսի առաջնորդութեամբ վաղուց արդէն ձգտում են այդ բանին և պատրաստ են ամեն

աջակցութիւն ցոյց տալ այդ նպատակին հասնելու համար: Ինչ վերաբերում է մամուլի ինսինսուացիաներին և ուսանողներին, որ ուրիշ եկեղեցիներ չեն գնայ պատրիարքութեան ետեւից, ի հարկէ, այդպէս կարող են մտածել միայն եկեղեցական գործերում քիչ հասկացող մարդիկ:

«Պատրիարքութիւնը վատ ծառայութիւն կը մատուցանէր բուն-քրիստոնէական գաղափարին, եթէ միութիւնը մէկ եկեղեցու հետ աւելի մեծ անջատումն առաջացնէր միւսի հետ: Պատրիարքութիւնը երբէք այդպէս անմիտ չէր կարող վարուել: Ինքն ըստ ինքեան հասկանալի է, որ այդ հարցն իր էութեամբ այլ կերպ չէր կարող վճռուել, եթէ ոչ տեղեւորական ժողովում և հետեւաբար՝ միայն ռուս և այլ աւետօկէֆալ ուղղափառ եկեղեցիներին համաձայնութեամբ:»

«Վերջին տեղեկութիւններին համեմատ, պատրիարքութեան մէջ գոյութիւն ունեցող սինօդը որոշեց պաշտօնապէս դիմել Յունաստանի, Բուլղարիայի և Սերբիայի ուղղափառ եկեղեցիներին՝ առաջարկելու մասնակցել ուղղափառ եկեղեցին անդլիկան եկեղեցու հետ միացնելու հարցի քննութեանը»:

ՀՌՈՄԷԱԿԱՆ ԿԱԹՈՒԼԻԿ ԵԿԵՂԵՑԻ

Քահանաների սեղափոխութեան Ընդ կառնակը:

Մինչև վերջին ժամանակներս կաթոլիկ քահանաները նշանակուելով ծուխերի վերայ եկեղեցական օրէնքով անփոփոխելի էին. դատարանով կարելի էր փոխել նրանց: Հռովմի կոնսիստորիական ժողովը պապի հաստատութեամբ տարւոյս օգոստոսի 20-ին, ն. տ. հրատարակել է մի հրովարտակ, որով եպիսկոպոսները կարող են ուզած ժամանակ փոփոխել քահանաներին մի ծուխից միւսը: Այսպիսով խզւում է քահանայի և ժողովրդի միջև հոգեօր կապը, և քահանաները դառնում են եպիսկոպոսների կամազուրկ պաշտօնեաներ:

Եպիսկոպոսները քահանային հովուութիւնից, ըստ հրովարտակի, կարող են հեռացնել պատճառելով.

1. Բժշկական վկայականով հաստատուած հոգեկան հիւանդութիւնը, 2. անփորձութիւնը և անկրթութիւնը, որոնք անընդունակ են դարձնում քահանայական պաշ-